


Frantziako Legebiltzarrerako

Hauteskundeak



Inkestek aurretik iragarria zuten bezala, UPF batasunean bildutako eskuineko indar politikoeek arrakasta handia izan dute Frantziako Legebiltzarrerako hauteskundeetan lehen itzulian, botoen % 40 inguru eskuratuta. Orain arte agintean zegoen PSk eta bere aliatuek, aldiz, erabateko porrota jaso dute % 20 bakarrik lortuta. Ala-

baina, lehen itzuli honetan ezuste handiena ekologistek lortutako emaitza murrizak izan dira, % 7,7 besterik ez. Fronte Nazionale alderdi ultraeskuindarrak gora egin du % 12,4 iritsita eta PCFk, aldiz, behera egin du oso gutxi izan bada ere: % 9,2. Abstentzioa oso handia izan da, %31ra iritsi baita.

PSk porrot eginda, eskuina nasai garaile

Ekologistek jaso duten galera izan da lehen itzuliko ezusterik handiena

ALLANDE SOKARROS / BAIONA

Frantziako Barne Ministerioak atzo eguerdian plazaratutako emaitza ofizialaren arabera, RPR eta UDF alderdiek osatutako UPF batasunak botoen % 39,48 lortu ditu, baina eskuineko beste hautagai batzuen emaitzak erantsita, eskuineko indarren uztza % 44,18ra iritsi da.

PS eta bere aliatuek, aldiz, botoen % 20,27 baino ez dituzte lortu, PCFk % 9,18, Fronte Nazionalek % 12,41 eta Ekologisten Batasunak % 7,61. Abstentzioaren neurria, % 31koa izan da. Arrakasta zabal honi esker, UPFk lehen itzulitik 78 diputatu lortu ditu eta hauei emendatu behar zaizkie eskuineko beste hiru biltzarkide. Gainontzeko alderdiek ez dute oraingoz diputaturik ziurtatu ahal izan.

UPFren baitan bat egindako bi alderdien arteko lehiaketa RPRko gaullisten mesederako izan da lehen itzuli honetan, beraiek 42 diputatu bereganatu baitituzte eta UDFk, aldiz, 36. Bigarren itzuliko ondorioak erabakiorrak izango dira, kohabitazioko gobernu-buruaren aurkeratzeko xedean. Alabaina, UPFk lehen itzulian jasotako arrakasta baieztatzen baldin bada datorren igandean, RPR eta UDFk 460 eta 480 diputaturen artean lortuko lituzkete, PSk 55 eta 75 artean, PCFk 18 eta 22 tartean, FNk 0 eta 5 tartean eta ekologistek bat baino ez. Frantziako Legebiltzarrean 577 diputatu daudela azpimarratu ondoren, esan daiteke eskuinak gehiago zabala lukeela.

INKESTEK HUTS EGIN DUTE Inkestek antzeko zerbaitek aspaldidantzen iragarria bazuten ere, PSren porrota ikaragarrikoa izateko bidean da. Bigarren itzuliak gaur egungo egoera baieztatu du, Frantziako sozialistak, 1972. urtean PSren sorreran baino beherago geratuko lirateke. Alabaina, PSren galera handi honek ez die mesederik ekarri ez komunistei ez eta ekologistei ere. Hain zuzen ere, eskuineko indarren arrakasta zabalak eta PSren erabateko porrotak baino gehiago ekologistek lehen itzuli horretan izandako galerak du ezusterik handiena eragin.

Izan ere, inkesta batzuen ara-

bera, PSri aurea hartzeko neurriraino iritsi zirelarik, ekologistak joan zen urteko hauteskunde erregionaletan lortutako emaitzak baino beherago (% 14,5) geratu dira, botoen % 8 baino gutxiagorekin. ondorioz, aukera oso gutxi izango dute diputatuak lortzeko Frantziako Parlamentuan. Antzera gertatu zaio Jean Marie Len Penen Fronte Nazionale mutur eskuineko alderdiari, nahiz eta lehen itzuli honetan botoen % 13 inguru bereganatu diuen.

Aurtengo hauteskunde hauentzat aukeratuta izan den zenbaketa gehiagodunaren arauengatik % 10 baino gutxiago lortu duen alderdi komunistak, aldiz, talde parlamentarioa eraikitzeko beharrezko den 20 diputaturen kopurua eskuratzeko heinean dago oraindik.

■ Ekologisten Batasunak pairatutako arrakasta murrizaren adierazgarri, Berdeen burukidea den Antoine Waechter eta Generation Ecologieko lehendakari dagoen Brice Lalonde ez dira bigarren itzuliko lehiakide izango, hautesle kopuruaren % 12,5 ez baitute lortu. Guztira, hamar bat ekologista hautagaik bakarrik gaingitu dute muga hau baina garaitzeko aukera gutxi dute datorren martxoaren 28an.

Sozialisten porrota larrienik jasan dutenen artean, Michel Sa-


pin Ekonomia ministroa egongo da, honek lehen itzulitik galdu baitu. Alabaina, hautagai ziren beste gobernuakide guztiak kolokan jarriak izan dira, hala nola, Pierre Bérégovoy gobernuburua, Paul Quilès, Michel Delebarre, Jack Lang, Louis Mexandeau eta Roland Dumas. Bigarren itzulian garaile irteetako egoera hobean dira, ordea, Segolène Royal edo Bernard Tapie.

Michel Rocard sozialisten lehendakariak izan litekeena ere ez da salbatu PSren kale egite horretatik, Yvelines departamenduko bere hauteskunde ere-


muan oso zaila izango baitaio UDFko Jean Pierre Cardori aurrea hartzea.

Eskuineko alderdi burukideentzat, aldiz, gauzak oso ondo joan dira eta gehienak lehen itzulitik aukeratuta atera dira, hala nola Valéry Giscard d'Estaing, Jacques Chirac, Raymond Barre, Philippe Seguin, Pierre Méhaignerie, Alain Madelin eta gobernuburua izan litekeen Edouard Balladur. François Leotardek bigarren itzulira arte itxaron beharko du % 47 ezin izan baitzuen gaingitu. Marchais PCFko burua ere larri ibiliko da.

LEHEN ITZULIKO EMAITZAK BOTOETAN



BIGARREN ITZULIRAKO AURRIKUSPENAK ESKAINUETAN



J. APEZTEGIA

Gobernukide guztiak kolokan

A.S. / BAIONA